



IZVJEŠTAJ
SA SASTANKA O PROVOĐENJU EKONOMSKE I EKOLOŠKE DIMENZIJE
OSCE-a (EED),
Beč, od 17. do 19. oktobar 2011.

U Beču je, od 17. do 19. oktobra 2011., održan prvi sastanak o provođenju OSCE-ove ekonomske i ekološke dimenzije (EED).

Na sastanku su učestvovali predstavnici zemalja članica OSCE-a, Parlamentarne skupštine OSCE-a i partnera za saradnju, predstavnici institucija OSCE-a, te predstavnici relevantnih međunarodnih organizacija i nevladinog sektora. U Delegaciji Bosne i Hercegovine na ovom sastanku bili su: Lazar Prodanović, poslanik u Predstavničkom domu PSBiH i član Delegacije PSBiH u Parlamentarnoj skupštini OSCE-a, Jelena Rajaković, sekretar Delegacije PSBiH u PSOSCE-a, i Sabahka Rađo, ministar savjetnik u Misiji BiH pri OSCE-u.

Sastanak o provođenju EED-a, održan je na osnovu odluke koja je usvojena prošle godine na samitu OSCE-a u Astani. Sastanak je radio u plenumu i četiri radne sesije. Na sastanku je, nakon godišnjeg 19. foruma EED-a koji je u septembru ove godine održan u Pragu, nastavljena rasprava o pitanjima koja su na dnevnom redu EED-a, a odnose se na zajedničke aktivnosti i saradnju u okviru OSCE-a u oblasti razvoja održive energije i transporta, te provođenja odluka i obaveza iz oblasti EED-a: u oblastima dobrog upravljanja, borbi protiv korupcije, pranja novca i finansiranja terorizma, energetske sigurnosti, modernizaciji ekonomija i zaštiti okoliša i sigurnosti, te saradnji s relevantnim regionalnim i međunarodnim organizacijama.

Delegacija BiH imala je izlaganje u vezi s pitanjem zaštite okoliša u našoj zemlji i aktivnostima koje se preduzimaju u saradnji i uz pomoć Misije OSCE-a u BiH. U okviru izlaganja istaknut je interes BiH da se Misija više uključi u oblasti druge dimenzije OSCE-a, posebno po pitanju zaštite okoliša. Iskazan je i naš interes za procese izgradnje kapaciteta i unapređenje inspekcijskog sektora u zaštiti okoliša, kao i za veći angažman sudija i tužilaca u ovoj oblasti, kako bi se preduprijedile kriminalne aktivnosti i unaprijedila sigurnost u oblasti ekologije u BiH.

Govoreći o saradnji s Misijom OSCE-a u BiH, naglašen je obostrani interes u zajedničkom angažiranju s ciljem pružanja podrške provođenju Konvencije o pristupu informacijama, učešću javnosti u donošenju odluka i pristupu pravosuđu u pitanjima koja se tiču ekologije.

Tokom sastanka delegacije su dale punu podršku i istakle interes da se u procesu priprema za 18. sastanak Ministarskog vijeća OSCE-a usaglase četiri predložene odluke iz oblasti EED i to:

1. Sigurnost u oblasti energije u OSCE-u
2. Jačanje dijaloga o transportu u OSCE-u
3. Porocija jednakih mogućnosti za žene u ekonomskoj sferi
4. Ekonomske i ekološke mjere za jačanje povjerenja.

Na kraju sastanka zaključeno je da je potrebno, zbog važnih pitanja kojima se bavi EED, i naredne godine održati sastanak o provođenju EED-a.

Također je naglašena potreba unapređenja političke podrške, koordinacije i saradnje između zemalja članica, kao i međunarodnih i regionalnih organizacija (glavni partner je UNECE) uz intenzivnije uključivanje civilnog i nevladinog sektora kako bi lakše mogle da se provedu obaveze OSCE-a iz druge dimenzije.

Istaknuta je potreba unapređenja efikasnosti EED-a, praćenje realizacije projekata, te nastavak organiziranja obuka, posebno iz oblasti borbe protiv trgovine ljudima.

Izvještaj pripremila:

sekretar Delegacije PSBiH u PSOSCE-a

Jelena Rajaković

***Izvještaj odobrio član Delegacije PSBiH u PSOSCE-a Lazar Prodanović**

Dostaviti:

- Kolegiju Predstavničkog doma
- Kolegiju Doma naroda
- Komisiji za vanjsku poslove Predstavničkog doma
- Komisiji za spoljnu i trgovinsku politiku Doma naroda
- Članovima Delegacije PSBiH u PSOSCE-a
- Sektoru za međunarodne odnose i protokol

Dostavljeno:

- naslovu
- a/a